

# KONKURS ZA DOSTAVLJANJE LIKOVNIH RADOVA

Tužilaštvo Međunarodnog krivičnog suda za bivšu Jugoslaviju (MKSJ) u saradnji s *Outreach* programom MKSJ-a ovim putem poziva studente univerziteta u zemljama bivše Jugoslavije da učestvuju na konkursu za najbolji likovni rad na temu pravde i pozivanja na odgovornost u kontekstu seksualnog nasilja počinjenog u ratu. Odabrani radovi naći će se u predstojećoj publikaciji i/ili će biti izloženi na promociji knjige u kojoj će biti predstavljena iskustva Tužilaštva u krivičnom gonjenju za zločine seksualnog nasilja počinjene tokom sukoba na području bivše Jugoslavije. Konkretno, u ovoj knjizi će biti predstavljen osvrt na dostignuća i izazove s kojima se Tužilaštvo suočava, kao i na ono što je naučeno tokom istraga i krivičnog gonjenja za zločine seksualnog nasilja pred MKSJ-om.

## Pravila konkursa:

- Konkurs se otvara, odnosno, likovni radovi će biti primani od utorka, 14. aprila 2015., a krajnji rok za dostavljanje radova je petak, 19. jun 2015.
- Radovi treba da predstavljaju autorovu likovnu interpretaciju koncepta pravde i pozivanja na odgovornost u kontekstu seksualnog nasilja počinjenog u ratu u formi slike, crteža, grafike ili fotografije, uključujući i kompjuterski generisane slike (CGI).
- Rad mora biti dvodimenzionalan. Prihvaćaju se i radovi u tehnici kolaža, ali dijelovi kolaža ne smiju biti više od 1 cm iznad površine.
- Radove treba slati poštom na adresu: UN ICTY, p.p. 370, 71000 Sarajevo, Bosna i Hercegovina.
- Radovi moraju biti dostavljeni s popunjenim formularom za prijavu (u prilogu), koji će sadržavati potpis autora, ime i prezime i podatke za kontakt, kao i adresu univerziteta na kojem autor studira.
- Žiri sastavljen od predstavnika Tužilaštva MKSJ-a i *Outreach* programa MKSJ-a će odabrati najbolje radove. Imena pobjednika konkursa biće objavljena na veb sajtu MKSJ-a ([www.icty.org](http://www.icty.org)) najkasnije 20. avgusta 2015.
- Osim mogućnosti da radovi budu objavljeni u knjizi Tužilaštva u vezi s krivičnim gonjenjem za zločine seksualnog nasilja i izloženi na promociji knjige, tri najbolja rada će također osvojiti sljedeće nagrade:  
**Prva nagrada:** novčana nagrada u iznosu od 500 eura i trodnevna posjeta Haagu, te gostovanje na promociji knjige i posjeta MKSJ-u.  
**Druga nagrada:** novčana nagrada u iznosu od 200 eura.  
**Treća nagrada:** novčana nagrada u iznosu od 100 eura.
- Tužilaštvo zadržava pravo da izloži neke ili sve radove na izložbi u Haagu tokom promocije knjige krajem 2015. ili početkom 2016. godine.
- Sve eventualne izmjene pravila i uslova konkursa, kao i detalji u vezi s dodjeljivanjem nagrada biće objavljeni na veb sajtu MKSJ-a ([www.icty.org](http://www.icty.org)).
- Učešćem na ovom konkursu autori dozvoljavaju Tužilaštvu i *Outreach* programu da objave, štampaju ili na drugi način koriste likovne radove u neograničenom broju primjeraka, kao i da se puno ime i prezime i univerzitet autora mogu objavljivati bez ograničenja.

Kontakt:

*Outreach* program MKSJ-a u BiH; Tel: 033 568 549